

Manggarai - Selamak Surak Nggeluk - Salvation Scriptures

Éfésus 2:2 Du hitu méu mosé lut ruku de lino ho'o, te junggu oné ata cau kuasa de awang ngong nai hitut weger kéta oné bahi-réha ata toé junggu oné Mori Keraéng.

Matéus 6:10 Cai koé perénta Dité, Jari koé ngoéng Dité Oné lino ného éta Surga.

Lukas 22:42 "Yo Ema, émét ngoéngd Ité, emiy piala séang ho'o oné mai Akun; maik bom laing ngoéng Dakun, ngoéng Ditép kali hitut jariy."

Yohanés 16:7-9 Maik tu'ung kéta ho'ot taé Daku agu méu: Céwé di'an latang te méu émé ngok Aku. Ai émé toé ngok Aku, Hiat campé toé mai cé'é méuy; maik émé ngok Aku, Aku te wuat Hia mai nggere-cé'é méuy. 8 Émé mai Hia, Hia te pandé lino ho'o kudut pecing ndékok, molor agu beté-bicar, 9 ngong ndékok: Landing isé toé kin di imbi Akus;

2 Timotéus 2:10 Landing hitu aku ta'ong te tanggong sanggéd taung situ latang te di'a sanggéd ata pilé de Mori Keraéng kudut isé kolé tiba selamaks oné hi Kristus Yésus ali mengit tédéng lén.

Roma 15:20,21 Oné keréba hitu rékéng laku ného hiang latang te aku, te aku toé pandé oné osang nia ngasang di Kristus poli pecing latan, kudut aku néka hesé oné salang ata poli na'an lata bana, 21 maik lorong apa ata poli tulis: "Isét ata toé dé'it tiba keréba latang te Hia te ita Hias, agu isét ata toé dé'it dengé Hia te tingos."

Tombo Pété Gori de Rasul-Rasul 2:36,37 Jari, sanggéd wa'u Israél paka getok kéta pecingd te Mori Keraéng poli pandé Mori Yésus hitut panggol de méu, ciri Mori Keraéng agu hi Kristusy." 37 Du dengén lisé tombo hitu nawes kéta naid, itug kali réi oné hi Pétrus agu rasul-rasul situt cebana: "Apa weli ata paka pandé dami asé-ka'én?"

Ibrani 4:2 Ai keréba di'a hitu poli tombon oné ité, cama ného oné isé. Maik tombo hitu toé manga betuan latang te isé. Ai isé toé ca imbi agu sanggéd ata situt séngétn.

Yérémia 24:7 - Matéus 22:37 Mai walé de Mori Yésus agu hia: "Momang Mori Keraéng, mai wa mai nain, lawang wakarm agu lawang taung nuk naim.

Tombo Pété Gori de Rasul-Rasul 16:14 Cengata oné mai iné-wai situ, ngasangn hi Lidia, séngét koléy. Hia oné mai béndar Tiatira agu hia ata pika towé langa latang te ngaji camping Mori Keraéng. Mori Keraéng céngka nai diha wiga séngét kéta liha situt tombo li Paulus.

Matéus 13:14-16 Oné isé kéta rapakn pedé di Yésaya, nenggo'o runingn: Méu te dengé agu séngét, maik toé ideps, méu te ita agu lélo, maik toé tingengs. 15 Ai nai de uku ho'o penong le cengkang agu nenteng kéta tilud te séngét agu matad raket raputs; kudut isé néka ita le matad agu dengé le tilud agu idep le naid, itu holés, wiga Aku pandé ina isék. 16 Maik komén kéta mata de méu, ai ita agu tilus ai dengé.

Yésaya 6:9,10 - Tombo Pété Gori de Rasul-Rasul 28:27 Ai nai data wa'u so'o poli tebel agu tilud tadu te séngét agu mata disé daket tadud; kudut isé néka ita le matad agu séngét le tilud, agu pecing le nain itu kali holés, wiga Aku pandé ina isé.

Markus 4:11,12 Mai taé Diha: “Agu méu poli téing nggalas nai kudut pecing pété ceha Adak de Mori Keraéng, maik latang te ata bana sanggéd cao-ca toing le rapang molés, 12 kudut: Koném po ita lisé, maik toé idep koném po séngéts lisé, maik toé tingo, kudut isé néka tesérs agu ampong ndékokd.”

Yohanés 12:39,40 Landing hitu, isé toé ngancéng imbid, ai poli kolé curupn li Yésaya: “Hia poli pandé buta matad, agu tadu salang naid kudut néka ita le matad agu néka idep oné naid, itu kali holés, wiga Aku pandé ina isék.”

Roma 11:7,8 Jari, co'o weli ga? Ata Israél toé manga haéng apa ata dolong disé, maik sanggéd ata situt poli piléd le Mori Keraéng haéng gi lisé. Agu sanggéd ata bana poli pandé teger naid, 8 ného manga tulis, “Mori Keraéng pandé lémot isé, manga mata landing toé ita, manga tilu landing toé séngét, dengkir te ho'on.”

2 Tésalonika 2:10,11 Manusia da'at hitu, papé dod tarad nggopét kudut pandé wéléng sanggéd ata, wiga hena le ampus, ai isé toé tiba agu toé ngoéng Keréba Di'a oné-mai Mori Yésus hitut pandé selamak isé. 11 Ai isé toé tiba Keréba Di'a, itu tara Mori Keraéng sur isé te pandé gori ata da'at.

Matéus 13:18-23 Landing séngét koé betuan toto rapang weri wini hitu. 19 Oné néteng ata hitut dengé curup latang te Adak Surga, maik toé pecing betuan, maig jing da'at te rambut apa hitut weri oné nai data hitu. Hitus wini siot wéck oné lupi salangs. 20 Wini siot weri lobo watu rogas ngong ata siot dengé curup situ ata gélang tibad agu nakad. 21 Maik toé wakés oné nai disé agu cekoé kaut ta'ongd. Émé cai rené ko mosé céncés ali reweng hitu, gélang kéta mesotn. 22 Situt wéck oné cembot karots hitus ata siot dengé curup situ, maik simpung de lino ho'o agu nggopét de bora pandé kejé curup situ wiga toé manga wuad. 23 Siot wéck oné tana beheng, ngong ata siot séngét reweng situ agu idep oné naid, ali hitu cir wuad, manga ata alép ceratusd, manga ata alép enempulud, manga ta alépd telumpulud.”

2 Korintus 3:15,16 Ngot dengkir leso ho'on, du nia kaut isé bacang buku di Musa, manga kin rédung ata tadu nai disé. 16 Maik émé céing kaut ata holés nggere-oné Mori Keraéng, rédungn hitu te wéngkas oné-mai hian.

Hoséa 11:3-7 - Matéus 11:28-30 Mai cé'é Akum, sangges méut poso le pola mendo, Aku kudut téing cembes agu méu. 29 Pola ga oka ata na'a Laku agu nungku oné Aku, ai Aku ata jinggop agu lembak nai, wiga wakarm te delék melery. 30 Ai oka hitut na'a Laku minakn doing, agu mendo Daku kolé géaln.”

Tombo Pété Gori de Rasul-Rasul 26:18 kudut cengka mata disé, kudut isé

holés oné mai nendep nggere-oné néra agu oné mai kuasa de jing da'at nggere-oné Mori Keraéng, kudut isé ali imbid oné Aku, tiba ampong ndékoks agu tiba reco oné mai apa ata poli wérét latang te sanggéd ata nggeluk. 1 Raja 18:37 - Mori Keraéng turn heart back to Mori Keraéng.

2 Timotéus 2:24-26 Cengata mendi de Morin toé ngancéng léwang-tau, maik paka joél latang te sanggén ata. Hia paka pecing te toing, lembak, 25 agu ali nggengga nai, ngancéng titong ata siot ngoéng te lawang. Nahé Morin téing sokor oné isé kudut te teser agu titong isé wiga isé pecing molors. 26 Ali hitu isé ciri noing kolés, ai ledo oné-mai serénté de jing da'at ata poli pongo isé oné tatong diha.

Widang Si'ang Oné hi Yohanés 3:17-19 Ai taé de méu: Ami boragm agu toé manga géong'gm. Maik toé pecing le méu te méu do géongs, agu hindiháés mosés, lénggé, buta agu lacom. 18 Itu tara toings méu Laku, kudut méu weli oné Aku emas gicing, wiga méu ciri boram. Wéli kolé baju bakok oné Aku te pakés, kudut méu néka mbolangm te pandé ritak laing. Weli kolé rewos te luma oné matas, wiga méu ngancéng itam. 19 Céing ata momangn Laku, hia rondong agu boboly Laku. Landing hitu, wingker agu teser koém ga!

2 Korintus 7:10 Néka simpung laing. Ai wéong nai lorong ngoéng de Mori Keraéng cirl teser hitut ba selamak, maik wéong nai oné mai lino ho'o cirl mata laing.

2 Korintus 4:4 Ngong sanggéd isét toé imbi, ata tadu taung nukd ali dewa da'at de uwa ho'o, wiga isé toé ita néra de Keréba Di'a latang te mengit di Kristus hitut gambar de Mori Keraéng.

Lukas 8:11-15 Ho'oy betuan rapang hitu: Wini situ ngong curup de Mori Keraéng. 12 Tana lupi salang, ngong ata siot poli dengéd curup situ; ného cepisan maig jing da'at emi curup situ oné mai nai diséd, kudut isé néka imbi agu néka selamaks. 13 Tana nampar, ngong ata siot poli dengé curup situ, tiba kéta di'as lisé, maik isé toé wakés, wiga dokong kaut imbid, wiga du cain damang, okésg lisé. 14 Tana oné remang karot, ngong ata situt poli dengé curup situ, agu du uwa nggerolod ga, isé kecé le simpung agu le bora agu minakn mosé, wiga isé toé cir wua situt té'é. 15 Tana beheng, ngong ata siot poli dengé curup situ, na'a oné naid hitut di'a, agu tua wua ata makengn."

Tombo Pété Gori de Rasul-Rasul 15:11 Néka hémong, imbi lité lut widang de Mori Yésus Kristus, ité te selamak cama ného isé kolé."

Roma 8:13 Ai émé mosé de méu lorong belek de weki, méu te matam. Maik émé le kuasa de Nai Nggeluk méu pandé mata sanggéd belek de wekis, méu te mosém.